

中國方志叢書·華中地方·第五一四號

據

宋·施諤撰
不著年代批校鈔本

影印

浙江省

淳祐臨安志

(全)

成文出版社有限公司印行



10101729

中華民國七十二年三月臺一版

淳祐臨安志 全一冊

發行人：黃 成 助

台北郵政信箱二二六〇五號
出版者：成文出版社有限公司

台北郵政信箱二二六〇五號
台北市杭州南路一段6巷9號3F
電話：三九一六四一六（五線）

印刷者：上林彩色印刷有限公司
台北市大理街145號

新聞局出版登記證：局版台業字第一一四三號

淳佑

淳佑臨安志

舊條

安國寺藏院宋建
炎四年賜今額

洪武志在縣東北
六十里破石宋興寧
元年賜今額

洪武志在縣東北
里本晉于宣于寶
宅周顯德二年建
名善提院宋治平二
年改賜是額

延恩院建炎四年移額重建先有蘇才翁留題畫堂
三月初三日絮撲紗窗燕拂簷蓮子數楮寄冷酒柘
枝一曲試春衫階臨池面勝看鏡屋映花叢當下簷
誰倚南樓指新月玉的索手兩纖纖

西山廣福院朱伯虎題上方鑿石開山已幾年半天
堂殿聳危巖曉鐘聲向雲邊落夜月光從檻底看野
色難藏千里秀松風長占一軒寒老僧此處真棲隱
應笑塵勞効小官

真如禪院般若臺張文忠公九成書張文忠公詩高

關西將下有旁註
其臺前木藤蔓結
結如披甲然十一
字

僧超物外有戶畫常偏海濶如天大泉甘譏地靈一
簾春月靜半點山青便作歸歎計移文休勒銘
黃栢劑和寺古僧應少地偏心自扁憑高通楚望懷
這妙胥靈深蟄乳藏翠斜飛鷺界青休文今已去佛
像寄誰銘張謬題般若臺旗鼓初從海上回天風
吹我上雄臺甲板雙木闌西將馬驟羣峯冀北材塵
世俯窺鳥去軍聲俄逐晚潮來誰能為我書巖石他
日重遊掃綠苔董將題恠石茲山翠成堆峭骨乃
如許化工妙融結石鐫走青乳當年女媧氏煉此不
及補岌岌至于今丈室枕其股我來手摩挲松陰日

亭年初疑道士羊亦類將軍虎坐久飢腸鳴試作先生煮

淨信院在縣西南六十里石晉天福二年置延恩
院嘉定五年建元係彌勒庵嘉定六年移請今額元
在湧金門外今養魚莊也圓明院在縣西南之五十
里唐元和七年置舊名永成宋大中祥符元年改今
額永隆廣福禪院在縣西一十里宋朝紹興十八
年建定香院在縣西北二十五里宋朝開寶元年
置名茶毗庵治平二年改今額東涇廣福禪院在
縣西南五十里宋朝乾德元年置紹興三十二年改

改今額 資聖院在縣西北四十里天福七年建舊
名資壽治平二年改今額 淨居院在縣西三里童
兒塔在焉宋朝隆興二年移府城廢寺額建重修童
兒塔記云鹽官縣海昌之舊府也古課縣南隅有四
佛祠曰羅漢曰文殊曰光明曰靈塔今所存者獨光
明一剎世說相傳以唐季擾攘悉為黃賊焚掠獨光
明在東南隅為雪峰結茅之地荒寂無所有故獲保
全以至今日無復尋證也是歲西南郊林墅間夜有
光亘天色人沈輝訪而視之披榛覓路得一壞浮圖
而焚棄於五季之兵火故所餘者如此而已其下有

黑蛇長數尋蟠護不去而宵夜昏黑則間放大光紅
輝屬天明徹幽隱然不知其所為始也然則此非所
謂靈塔之遺跡歟前此數年邑有人召日者治墓域
且用是塔以為應按而語人曰此去歲餘塔復興矣
始聞其言以為誕妄不足信也後餘歲果有淨信願
加脩治諱聞其作興乃與同志人章日華尹瓊貴共
率有緣竭力以相其事而凡木工役丹渥繪飾之費
凡二十萬始事於元祐戊辰二月二十八日落成於
四月二十八日也然則是塔之來信久矣噫數百年
荒圯之地一旦營繕乃與日者之識若合符節果述

數之精如此者卯塔之有廢興偶相合者如此卯是
皆不可得而知也雖然陰陽風水之說其來尚矣先
王之盛時所以建邦設都則必畫參諸由景夜考諸
極星以辨方隅以正其位非獨此也以至定中則作
宮揆日以作室升堂以望降桑以觀察其形勢審其
所宜而又決於卜吉然後允臧則風水之驗今於此
塔不足疑也此有過客善風水嘗過余而言直縣之
西有水曰淡塘者其派自錢源來而於卦得辛兌之
龍於經得秀文之氣惜乎地勢雖遠而源流不深故
未有嘉驗也苟浚之使深則斯邑也文富貴達當世

不絕余得其言因切自思色之人貴登龍樓勳勒
石者往古之矣如戚家諸無量緒廷誨載在史冊
皎如日星非獨此也至於佛氏之有齊安禪師道家
之有馬自然皆以其英雄耀當時而過此已數百年
而繼其顯者寂寥無聞豈非真西之水當時源深而
流長者其應如彼而後來沒湮而無廢者其應亦如
此邪是或可信也後之君子銳於作為以速久遠之
效者皆浚其源而疏其流則余未老尚及見其瑞應
也元祐三年望日武都章瑋記 重建童兒塔記壽
聖禪師惟尚道眼明徹戒体潔清傳法於普照英公

得證於黃龍新公既謝事廼歸老童兒塔之西環堵
蕭然而聲震四海其叩門求法者蓋肩相摩而袂相
屬也予寓居益官遇風日清美芒屨竹杖徑尋師於
茂林修竹之間一日指予塔而問其故師出邑人章
瑋石刻且曰舊塔廢為道士居者凡二十年矣紹興
丁丑主塔僧仲淵之孫德諶痛數百年勝槩一旦為
强有力所奪影滅跡絕了不可尋問乃草衣木食鉤
儲桑積卜地其東參覺架屋於莽蒼榛棘中今蘭若
寧堵崢嶸突兀鼎上一新其勤勞嗣續之功似可記
也公其有意乎予笑而不答既而予被召貳玉牒旋

擢垂春官侍講金華未暇如師請後予以病乞歸聖
天子閔其勤以奉祠寵之居間日讀方書理藥物亦
未暇如師請也予病今少閒師來請益勤予乃呼謚
而告之曰堯舜禹湯文武周孔之道具在人心竟則
為聖賢愚則為賢不肖聖人懼其惑也乃著之六經
使以義理求乃銘之九鼎使以法象求簠簋俎豆火
龍黼黻以發之鐘鼓莞簟琴瑟等笙以警之清廟明
堂靈臺辟雍以形之使人目受耳聽心竦意明恍然
霧披豁然冰泮乃知千聖雖往此心元不去萬變雖
經此心自有餘不然吾聖人豈虛為此紛々哉子之

辛苦經營。僥有在於斯乎。否則吾不知也。謹謝而退。
乃書以遺之。使刻諸石。紹興九年十月四日。左奉議
郎充祕閣修撰。李舉江州太平觀。賜紫金魚袋。張
九成撰。金佛院在縣西一十二里。舊名上栗。宋乾
道二年改今額。延恩院在湧金門外城北。今為養魚
莊。舊志有西軒止軒。後廢為楊府園。旌忠禪院在
縣西北二十五里。宋朝嘉泰二年建。定善院在縣
西南三十里。宋朝紹興十二年建。戒壇院在縣西
南三里。宋朝淳熙九年建。惠明院在縣西。宋朝隆
興元年移府城。廢寺額建。淨信院在桐扣山。晉天

天福六年邑人周連捨宅為寺舊名思平本朝治平
二年改今額東菴廣福禪院在縣東南五里雪峰
禪師結廬于此人見夜光旦天因名光明菴後稍增
產屋號光明禪院宋朝熙寧元年賜名壽聖紹興三
十二年改今額雪峰手鑿一井甚甘冽大旱不竭井
中時聞風濤聲施彥執題云何處登臨眼最明雪
峯佳處一川平潮隨海月生時上峯在雲天靜處橫
幢蓋神扶喬木影風雷井閉古泉聲灵蹤鑒盡羣惆
悵何日遊山報道成舊有壽聖院記云壽聖禪院
西距縣郭五里俗謂之東菴蓋雪峰禪師嘗隱此身

光發見遠近望之以為回祿馳往救撲至則無有故
因號為光明菴後稍益屋居僧亦謂之光明禪院熙
寧元年始賜今額菴後大樹徑數十圍柯枝蚶蜆皆
南引以覆菴云雪峯手植樹旁古井甘冽大旱猶供
百人亦傳雪峯所鑿然屋後才數椽庫陋逼莫能
立眾本朝天聖已來老山主居無常人元符間僧俗
以逆縣無禪刹四方雲遊筏解祀之所乃啓官請仲
淵長老主之淵乃為之員米乞食以供其徒禪侶雲
集而無精舍止宿十餘年始能造像構殿立三門建
方丈敞大法堂增廣庭廡廚庫寮舍造供具瓶几榻

器用無一不備者華屋巨棟脩廊奧室皆突起煥烈
照耀於泥塗草莽中巍然如化非復前昔東菴也寺
僧云淵師募檀施鳩材植積久告辦乃始經營故能
成以百日子予驚嘆賞覽久之因謂浮圖之祠徧天下
雖三里之城十室之邑罔不有萃堵蘭若者然要之
必其山水確深林木秀茂形執地理既勝則能華侈
廣大緇徒衆多不爾亦荒涼敝陋名存而實亡今壽
聖院居鹵田瘠土中四望曾無堆阜沿江惟白茅黃
筍榛棘梗莽豈有山川形勝地勢風水使然而淵師
特以道力彊為興起之彼所在荒刹弊寺亦豈無僧

而榛棘頽圯者人之不能勝天歟然也今不待山川
形勝而獨能宏麗壯大者天於人歟亦必從之謂歟
余既嘉淵師之能復念雪峯聖跡初無記載傳於此
寺者欲為之紀其本始廢興於其方丈之北壁時大
觀己丑仲秋初泮將仕郎前監本縣監監張弼東道
撰并書

寶嚴院在縣後唐天成二年錢氏建舊名岳雲宋朝
治平二年改今額元豐中建岳雲亭古靈陳公表
有詩小亭巉絕出雲間萬象升沉不得閑莫恠詩翁
頭白早時來向北馬湖山蘇公軾有詩贈僧清順

僧清順新作垂雲亭云江上雖有餘亭榭着穩登臨
不得要萬象各偃蹇惜哉垂雲亭此地得何晚天功
爭向背詩眼巧增損路窮朱欄出山破石壁狠海門
軸湖尾抱雲岫葱_上城郭麗淡_上煙村遠紛_上鳥鵲
去一一樵漁返雄觀快新獲微景收昔道道人真古
人嘯詠慕嵇阮空齋卧蒲葛芒屨每自相天情詩人
窮乞與供詩本我詩久不作荒蒔旋鋤墾從君覓佳
句咀嚼廢朝飯又臥病彌月垂雲花開順閑黎以
詩見招次韻答之曰道人心似水不礙照花研燕坐
春強半清陰月屢遷平生無起滅一念有陳鮮嬾嬾